



ÁRSHLUTASKÝRSLA

JANÚAR - SEPTEMBER 2008



27. nóvember 2008

Uppgjör Exista fyrir janúar til september 2008

Exista hf. birtir í dag árshlutauppgjör fyrir fyrstu níu mánuði ársins 2008:

- Afkoma eftir skatta var neikvæð um 170 milljónir evra á fyrstu níu mánuðum ársins
- Heildareignir námu 6,3 milljörðum evra í lok september
- Bókfært eigið fé nam 2,0 milljörðum evra í lok september
- Heildarskuldir lækkuðu um 1,4 milljarða evra, eða 24% fyrstu níu mánuði ársins
- Handbært fé nam 288 milljónum evra í lok september
- Eiginfjárhlutfall var 36% (með víkjandi skuldabréfum) í lok tímabilsins

Atburðir eftir lok uppgjörstímabils:

- Fjármálaeftirlitið tók yfir rekstur Kaupþings 9. október
- Exista hefur brugðist við ytri áföllum með sölu eigna, m.a. í Sampo, Storebrand og Bakkavör
- Hluthafafundur 30. október samþykkti víðtækar heimildir til aðgerða
- Exista verður afskráð úr Kauphöllinni

Lýður Guðmundsson, stjórnarformaður:

„Efnahagsreikningurinn í lok september sýnir styrk Exista fyrir hrun fjármálamarkaðarins. Bókfært eigið fé nam þá 2 milljörðum evra, eitt það mesta á meðal íslenskra fyrirtækja. Við þrot Kaupþings varð Exista, sem stærsti eigandi verðmætasta fyrirtækis landsins, fyrir þungu höggi. Þar eð eignarhluturinn í Kaupþingi var einungis að litlu leyti veðsettur heldur Exista velli.

Undanfarið ár höfum við lagt megináherslu á að verja undirstöður félagsins í fallandi fjármálamörkuðum. Efnahagsreikningur Exista hefur minnkað og skuldir greiddar niður. Lögð hefur verið áhersla á trausta lausafjárstöðu. Á þriðja ársfjórðungi greiddi Exista niður lán sín fyrir 300 milljónir evra. Þrátt fyrir markvissan undirbúning félagsins fyrir erfiða markaði varð hrun fjármálakerfisins í október miklu dýpra og víðtækara en unnt var að sjá fyrir.

Staða Exista er óljós um þessar mundir. Við hrun íslensku bankanna átti félagið eignir umfram skuldir í bankakerfinu og er enn ekki ljóst hvort og þá hvenær skuldbindingum bankanna gagnvart Exista verður fullnægt. Þess vegna liggur eignastaða félagsins ekki fyrir.

Þrátt fyrir óvissuna teljum við félagið hafa burði til þess að standa af sér áföllin. Innan Exista eru öflug íslensk fyrirtæki, svo sem VÍS, Lýsing og Síminn. Í lok október samþykktu hluthafar afskráningu félagsins úr Kauphöllinni og veittu víðtækar heimildir til aðgerða til þess að vinna að framtíðarlausnum fyrir félagið. Á þeim grundvelli er nú unnið að því að treysta framtíð Exista.“

Frekari upplýsingar um reikninga félagsins veitir:

Samskiptasvið Exista

Sigurður Nordal

framkvæmdastjóri

sími: 550 8620 (ir@exista.com)

Rekstrarreikningur samstæðu

Árshlutareikningur Exista hf. eru gerður í samræmi við alþjóðleg reikningsskil (IFRS).

Tekjur

Heildartekjur samstæðunnar á þriðja ársfjórðungi námu 51,5 milljónum evra. Tekjur námu 157,3 milljónum evra á fyrstu níu mánuðum ársins en þær voru 1.105,3 milljónir evra á sama tímabili í fyrra.

Tap á fjáreignum á gangvirði var 67,6 milljónir evra á þriðja ársfjórðungi og samtals 304,7 milljónir evra fyrstu níu mánuði ársins. Hagnaður af fjáreignum nam 105,4 milljónum evra á fyrstu níu mánuðum 2007.

Veltufjáreignir skiluðu 3,2 milljóna evra tapi á þriðja ársfjórðungi en á fyrstu níu mánuðum ársins var 75,9 milljón evra hagnaður af veltufjáreignum. Hagnaður af þessum lið var 110,0 milljónir evra fyrstu níu mánuðina í fyrra.

Arðstekjur voru engar á þriðja ársfjórðungi en þær námu alls 11,2 milljónum evra á fyrstu níu mánuðum ársins, samanborið við 12,6 milljónir evra á fyrstu níu mánuðum 2007. Arður frá hlutdeildarfélögum í fjármálaþjónustu, Kaupþingi og Sampo, er ekki tekjufærður í þessum lið, heldur færður til lækkunar á bókfærðu virði í efnahagsreikningi og tekinn inn í fjárstreymi félagsins. Arður hlutdeildarfélaga til Exista nam 167,3 milljónum evra á fyrstu níu mánuðum ársins.

Vaxtatekjur námu 34,2 milljónum evra á þriðja ársfjórðungi og alls 90,7 milljónum evra á fyrstu níu mánuðunum. Fyrstu níu mánuði síðasta árs námu vaxtatekjur 60,9 milljónum evra. Aukningin milli tímabila skýrist fyrst og fremst af vaxtatekjum á handbæru fé félagsins. Um helmingur vaxtatekna er tilkominn vegna eignaleigustarfsemi.

Tryggingaiðgjöld námu 25,7 milljónum evra á fjórðungnum og alls 79,3 milljónum evra á fyrstu níu mánuðum ársins, samanborið við 97,8 milljónir evra á fyrstu níu mánuðum 2007. Samdrátturinn skýrist af gengislækkun krónunnar, en iðgjöld eru nær einvörðungu í krónum. Í krónum talið jukust eigin iðgjöld um 17% milli ára.

Hlutdeildartekjur námu 47,2 milljónum evra í fjórðungnum og 179,6 milljónum evra fyrstu níu mánuðina. Hlutdeildartekjur námu 707,8 milljónum evra á fyrstu níu mánuðunum 2007.

Aðrar tekjur námu 15,3 milljónum evra á þriðja ársfjórðungi. Bókfærður var 10,8 milljón evra hagnaður vegna sölu á fasteignafélaginu Exista Properties á þriðja ársfjórðungi. Samtals námu aðrar tekjur 25,2 milljónum evra á fyrstu níu mánuðum ársins en þær námu 10,8 milljónum evra á sama tímabili í fyrra.

Gjöld

Rekstrarkostnaður var 12,9 milljónir evra á þriðja ársfjórðungi og alls 45,1 milljónir evra á fyrstu níu mánuðum ársins. Rekstrarkostnaður var 46,6 milljónir evra fyrstu níu mánuðina í fyrra.

Tjóna- og líftryggingabætur námu 17,5 milljónum evra í fjórðungnum. Þær námu 67,5 milljónum evra á fyrstu níu mánuðum ársins, en 76,2 milljón á sama tímabili í fyrra.

Heildargjöld samstæðunnar, þar með taldar tjónabætur, námu alls 30,3 milljónum evra á þriðja ársfjórðungi. Fyrstu níu mánuði ársins voru heildargjöld 112,7 milljónir evra en þau námu 122,8 milljónir á sama tíma í fyrra.

Rekstrarafkoma, fjármagnsgjöld og skattar

Hagnaður fyrir fjármagnsgjöld var 21,2 milljónir evra í fjórðungnum. Fyrir fyrstu níu mánuði ársins var hagnaður fyrir fjármagnsgjöld 44,6 milljónir evra, en á sama tímabili síðasta árs var hagnaður fyrir fjármagnsgjöld 982,5 milljónir evra.

Vaxtagjöld námu 93,1 milljónum evra á fjórðungnum og 298,6 milljónum evra fyrstu níu mánuðina. Vaxtagjöld fyrstu níu mánuði 2007 námu 240,9 milljónum evra.

Gengismunur og verðbætur skiluðu 17,0 milljóna evra tapi á fjórðungnum. Fyrstu níu mánuðina var 80,6 milljóna evra hagnaður af gengismun og verðbótum, samanborið við 90,5 milljóna evra hagnað á fyrstu níu mánuðunum í fyrra.

Tekjuskattur var jákvæður um 1,1 milljón evra í þriðja ársfjórðungi og um 3,5 milljónir evra fyrstu níu mánuðina.

Niðurstöður rekstrarreiknings

Afkoma var neikvæð um 88,9 milljónir evra fyrir skatta á þriðja ársfjórðungi 2008 og alls 173,4 milljónir evra á fyrstu níu mánuðum ársins. Fyrstu níu mánuðina í fyrra var hagnaður fyrir skatta 832,2 milljónir evra.

Afkoma var neikvæð um 87,8 milljónir evra eftir skatta á þriðja ársfjórðungi og alls 170,0 milljónir evra á fyrstu níu mánuðum ársins. Á fyrstu níu mánuðum 2007 var 869,5 milljóna evra hagnaður.

Rekstrarreikningur samstæðu

(MILLJÓNIR EVRA)	JAN-SEPT 2008	JAN-SEPT 2007
Fjáreignir metnar á gangvirði	304,7	105,4
Veltufjáreignir	75,9	110,0
Arður	11,2	12,6
Vaxtatekjur	90,7	60,9
Vátryggingaiðgjöld	79,3	97,8
Hlutdeildartekjur	179,6	707,8
Aðrar tekjur	25,2	10,8
Tekjur	157,3	1.105,3
Tjónagjöld	-67,5	-76,2
Rekstrarkostnaður	-45,1	-46,6
Gjöld	-112,7	-122,8
Rekstrarhagnaður	44,6	982,5
Vaxtagjöld	-298,6	-240,9
Gengismunur og verðbætur	80,6	90,5
Hagnaður (tap) fyrir skatta	-173,4	832,2
Tekjuskattur	3,5	37,3
Hagnaður (tap) tímabilsins	-170,0	869,5

(MILLJÓNIR EVRA)	3F 2008	2F 2008	1F 2008	4F 2007	3F 2007
Fjáreignir metnar á gangvirði	-67,6	-63,9	-173,2	-104,6	32,0
Veltufjáreignir	-3,2	20,6	58,5	-156,3	-37,3
Arður	0,0	6,9	4,3	0,0	0,7
Vaxtatekjur	34,2	28,0	28,5	30,3	23,2
Vátryggingaiðgjöld	25,7	24,8	28,8	31,2	32,0
Hlutdeildartekjur	47,2	67,8	64,6	48,4	92,5
Aðrar tekjur	15,3	5,4	4,6	7,2	4,2
Tekjur	51,5	89,6	16,1	-143,8	147,1
Tjónagjöld	-17,5	-21,2	-28,8	-28,3	-25,1
Rekstrarkostnaður	-12,9	-15,8	-16,5	-18,8	-14,5
Gjöld	-30,3	-37,0	-45,3	-47,1	-39,6
Rekstrarhagnaður (tap)	21,2	52,5	-29,2	-190,8	107,5
Vaxtagjöld	-93,1	-100,4	-105,1	-109,4	-106,2
Gengismunur og verðbætur	-17,0	9,1	88,4	-6,2	8,7
Hagnaður (tap) fyrir skatta	-88,9	-38,7	-45,9	-306,5	10,0
Tekjuskattur	1,1	0,3	2,0	10,9	-2,6
Hagnaður (tap) tímabilsins	-87,8	-38,4	-43,8	-295,6	7,4

Afkoma starfspáttta

Fjármálaþjónusta

Fjármálaþjónusta skilaði 49,3 milljóna evra hagnaði á fyrstu níu mánuðum ársins. Til fjármálaþjónustu teljast einkum dótturfélög og hlutdeildarfélög í fjármálaþjónustu.

Heildartekjur af fjármálaþjónustu á fyrstu níu mánuðum ársins námu alls 333,5 milljónum evra; váttryggingaiðgjöld námu 79,3 milljónum evra, vaxtatekjur 80,6 milljónum evra og fjárfestingartekjur 172,4 milljónum evra.

Heildargjöld af fjármálaþjónustu námu 101,7 milljónum evra á fyrstu níu mánuðum ársins og skiptist svo að tjónakostnaður nam 67,5 milljónum evra og rekstrarkostnaður 34,2 milljónum evra.

Hagnaður af fjármálaþjónustu fyrir fjármagnsgjöld nam 231,8 milljónum evra á tímabilinu, fjármagnsgjöld námu 182,5 milljónum evra og hagnaður fyrir skatta því 49,3 milljónir evra.

Samsett hlutfall tryggingastarfsemi var 105% á fyrstu níu mánuðum ársins. Á sama tímabili var arðsemi eigin fjár af eignaleigustarfsemi 18% á ársgrundvelli.

Fjárfestingar

Afkoma af fjárfestingum var neikvæð um 219,3 milljónir evra á fyrstu níu mánuðum ársins. Undir fjárfestingar falla eignarhlutir og fjárfestingar félagsins í skráðum og óskráðum fyrirtækjum.

Fjárfestingatekjur voru neikvæðar um 210,4 milljónir evra á fyrstu níu mánuðum ársins, vaxtatekjur námu 10,2 milljónum evra og aðrar tekjur 24,0 milljónum evra.

Heildargjöld á fyrstu níu mánuðunum námu 11,0 milljónum evra. Afkoma fyrir fjármagnsgjöld var neikvæð um 187,2 milljónir evra og fjármagnskostnaður var 35,5 milljónir evra. Afkoma var því neikvæð um 222,7 milljónir evra fyrir skatta fyrstu níu mánuði ársins.

(MILLJÓNIR EVRA)	FJÁRMÁLAPJÓNUSTA	FJÁRFESTINGAR	SAMTALS
Fjárfestingatekjur	172,4	-210,4	-38,0
Váttryggingaiðgjöld	79,3	-	79,3
Vaxtatekjur	80,6	10,2	90,7
Aðrar tekjur	1,3	24,0	25,2
Tekjur	333,5	-176,2	157,3
Tjónakostnaður	-67,5	-	-67,5
Rekstrarkostnaður	-34,2	-11,0	-45,1
Kostnaður	-101,7	-11,0	-112,7
Rekstrarhagnaður (tap) fyrir fjármagnskostnað	231,8	-187,2	44,6
Fjármagnskostnaður	-182,5	-35,5	-218,0
Hagnaður (tap) fyrir skatta	49,3	-222,7	-173,4
Tekjuskattur	0,0	3,5	3,5
Hagnaður (tap) eftir skatta	49,3	-219,3	-170,0

Efnahagsreikningur samstæðu

Eignir

Heildareignir Exista voru 6.276 milljónir evra þann 30. september 2008 og höfðu lækkað um 1.735 milljónir evra eða 21,6% frá áramótum.

Fjáreignir á gangvirði námu 768 milljónum evra í lok þriðja ársfjórðungs og höfðu lækkað um 355 milljónir evra frá upphafi árs.

Veltufjáreignir námu 123 milljónum evra í lok þriðja ársfjórðungs og höfðu dregist saman um 87 milljónir evra frá áramótum.

Útlán og kröfur námu 803 milljónum evra og höfðu aukist um 18 milljónir evra frá upphafi árs. Útlán eru að mestu tilkomin vegna eignaleigustarfsemi félagsins.

Viðskiptavild samstæðunnar var metin á 294 milljónir evra í lok þriðja ársfjórðungs, en hún er tilkomin vegna kaupa á váttrygginga- og eignaleigustarfsemi árið 2006. Viðskiptavild samstæðunnar lækkaði um 175 milljónir evra á fyrstu níu mánuðum ársins og nam innan við 5% af heildareignum í lok september.

Eignarhlutir í hlutdeildarfélögum námu 3.925 milljónum evra í lok ársfjórðungsins.

Endurtryggingaeignir námu 6 milljónum evra í lok september. Fasteignir og tæki námu tæplega 5 milljónum evra.

Handbært fé nam 288 milljónum evra 30. september 2008. Aðrar eignir námu 64 milljónum evra.

Skuldir og eigið fé

Heildarskuldir námu 4.289 milljónum evra þann 30. september 2008 og höfðu lækkað um 1.353 milljónir evra eða um 24,0% frá áramótum. Skuldir Exista greinast í grófum dráttum í lántökur, víkjandi skuldabréf og váttryggingaskuld.

Lántökur námu 3.834 milljónum evra í lok þriðja ársfjórðungs og höfðu lækkað um 1.289 milljónir evra eða 25,2% á fyrstu níu mánuðum ársins.

Víkjandi skuldabréf námu 266 milljónum evra í lok fjórðungsins.

Váttryggingaskuld var 150 milljón evra og hafði lækkað um 71 milljón evra á fyrstu níu mánuðum.

Tekjuskattsskuldbinding samstæðunnar nam 9 milljónum evra í lok þriðja ársfjórðungs.

Bókfært eigið fé samstæðunnar var 1.987 milljónir þann 30. september 2008, sem er lækkun um 381 milljón evra frá áramótum.

Bókfært eiginfjárhlutfall samstæðunnar var 35,9% í lok september. Að frádregnum lántökum sem tengjast eignaleigustarfsemi félagsins var eiginfjárhlutfallið 40,0%. Að víkjandi eiginfjárskírteinum undanskildum var eiginfjárhlutfallið 31,7%.

Frá 1. janúar 2007 hafa Sampo Group og Kaupþing banki verið hlutdeildarfélög Exista. Hlutdeildarfélög í fjármálaþjónustu eru færð með hlutdeildaraðferð í reikningum félagsins. Við lok þriðja ársfjórðungs 2008 var markaðsvirði hlutdeildarfélaga 1.246 milljónum evra lægra en bókfært virði þeirra.

(MILLJÓNIR EVRA)

30. SEPTEMBER 2008

Bókfært virði hlutdeildarfélaga	3.926
Markaðsvirði hlutdeildarfélaga	2.680
Bókfært virði umfram markaðsvirði	1.246

Efnahagsreikningur samstæðu

(MILLJÓNIR EVRA)	30. SEPT. 2008	31. DES. 2007	BREYTING
EIGNIR			
Fjáreignir metnar að gangvirði í gegnum rekstur	768	1.123	-32%
Veltufjáreignir	123	210	-42%
Útlán og kröfur	803	785	2%
Viðskiptavild	294	469	-37%
Hlutdeildarfélög	3.925	4.738	-17%
Endurtryggingareignir	6	10	-38%
Fjárfestingareignir	-	70	-
Fasteignir, áhöld og tæki	5	28	-83%
Handbært fé	288	568	-49%
Aðrar eignir	64	10	-
Eignir samtals	6.276	8.010	-22%
EIGIÐ FÉ			
Hlutfé	144	121	19%
Varasjóðir	502	736	-32%
Óráðstafað eigið fé	1.342	1.511	-11%
Eigið fé hluthafa móðurfélagsins	1.987	2.368	-16%
Hlutdeild minnihluta	0	1	-74%
Eigið fé samtals	1.987	2.369	-16%
SKULDIR			
Lántaka	3.834	5.124	-25%
Víkjandi eiginfjárskírteini	266	250	7%
Vátrygginga- og líftryggingaskuld	150	221	-32%
Tekjuskattsskuldbinding	9	19	-51%
Aðrar skuldir	28	28	1%
Skuldir samtals	4.289	5.642	-24%
Eigið fé og skuldir samtals	6.276	8.010	-22%

Fjármögnun og lausafjárstaða

Hinn 30. september hafði Exista tryggt lausafé til að mæta endurfjármögnun til næstu 51 viku. Samstæðan hafði því lausafé til að standast skuldbindingar sem falla á gjalddaga fram til loka þriðja ársfjórðungs 2009.. Tryggt lausafé telst reiðufé og samningstryggðar lánalínur. Með tryggu lausafé eru ekki talin önnur auðseljanleg verðbréf, tekjur af tryggingarekstri og eignaleigustarfsemi, né væntanlegar arðgreiðslur. Tryggt lausafé í lok september 2008 var samansett af 51% handbæru fé og 49% tryggðum lánalínum.

Á þriðja ársfjórðungi greiddi Exista til baka lántökur fyrir 300 milljónir evra. Á fyrstu níu mánuðum ársins lækkuðu lántökur í reikningum félagsins um 1,3 milljarð evra eða um 25%.

Atburðir eftir lok ársfjórðungs

Sem kunnugt er hafa gífurlegar sviptingar orðið á innlendum og erlendum fjármálamörkuðum í október og nóvember. Í raun má segja að íslenskt fjármálakerfi hafi hrunið fyrrihluta októbermánaðar þegar þrír stærstu bankar landsins fóru í þrot. Þótt afleiðingar þessara atburða séu enn ekki að fullu komnar í ljós, þá liggur fyrir að áhrif þeirra á efnahagslíf þjóðarinnar eru víðtæk og snerta allt atvinnulíf og heimili í landinu.

Þrot Kaupþings og sala eigna

Í kjölfar harkalegra aðgerða breskra yfirvalda gegn dótturfélagi Kaupþings í Bretlandi greip Fjármálaeftirlitið inn í rekstur bankans þann 9. október 2008 með vísan til nýrra laga um sérstakar aðstæður á fjármálamarkaði. Sú aðgerð hafði veruleg áhrif á fjárhagsstöðu Exista, en þar sem eign Exista í Kaupþingi er óveðsett að mestu hefur félagið haft svigrúm til þess að bregðast við breyttum aðstæðum.

Félagið hefur eftir lok þriðja ársfjórðungs selt umtalsverðar eignir. Hinn 7. október seldir Exista alla hluti sína í Sampo Oyj, samtals 19,98% eignarhlut. Hlutirnir voru seldir með áskriftarfyrirkomulagi til fjölda fagfjárfesta á genginu 11,50 evrur á hlut. Citigroup og Morgan Stanley höfðu umsjón með sölunni. Eftir viðskiptin á hvorki Exista né dótturfélög þess hluti í Sampo. Hinn 9. október seldi Exista hlut sinn í Storebrand ASA, eða samtals 8,69% af heildarhlutafé félagsins, til Gjensidige Forsikring BA. Hlutirnir voru seldir á genginu 20 norskar krónu á hlut. Eftir viðskiptin á hvorki Exista né dótturfélög þess hluti í Storebrand. Loks ákvað stjórn Exista að selja allan hlut félagsins í Bakkavör Group hf., samtals 39,63% af heildarhlutafé fyrirtækisins. Kaupendur eru Lýður Guðmundsson og Ágúst Guðmundsson, stofnendur og aðalstjórnendur Bakkavör Group, í gegnum félagið ELL 182 ehf. Söluverð er 9,79 krónur á hlut sem var síðasta dagslokagengi í Bakkavör Group fyrir söluna. Viðskiptin eru gerð með fyrirvara um samþykki lánveitenda.

Niðurstaða hluthafafundar

Boðað var til hluthafafundar í Exista 30. október síðastliðinn. Fundinn sóttu hluthafar fyrir um 75% hlutafjár. Þar voru lagðar fram tillögur sem miða að því að auka sveigjanleika til ákvarðanatöku við þær óvenjulegu aðstæður sem nú ríkja. Helstu tillögur sem samþykktar voru eru þessar:

- Heimild til aukningar hlutafjár um allt að 50 milljarða króna að nafnverði.
- Heimild til útgáfu fjárskuldbindinga sem eru breytanlegar í hlutabréf.
- Heimild til kaupa á eigin bréfum félagsins sem nemur allt að 10% af hlutafé.
- Heimild til ótakmarkaðrar sölu á eignum félagsins, ef slík sala telst hagfelld félaginu.

Loks fól hluthafafundur stjórn félagsins að óska eftir tafarlausri afskráning félagsins úr Kauphöllinni.

Stöðvun viðskipta og beiðni um afskráningu

Hinn 6. október síðastliðinn ákvað Fjármálaeftirlitið að stöðva tímabundið viðskipti í Kauphöllinni með alla fjármálagerninga sem gefnir eru út af Exista, ásamt Glitni, Kaupþingi, Landsbankanum, Straumi-Burðarási og Spron. Í tilkynningu Fjármálaeftirlitsins kemur fram það mat að aðstæður umræddra útgefanda séu þannig að viðskiptin mundu skaða hagsmuni fjárfesta, enda ríkir umtalsverð óvissa sem kemur í veg fyrir eðlilega verðmyndun verðbréfanna. Þá sé það mat Fjármálaeftirlitsins að jafnræði fjárfesta verði ekki tryggt með öðrum hætti, þar sem verðmótandi upplýsingar séu of dreifðar til að unnt sé að tryggja trúnað þeirra.

Í samræmi við niðurstöðu hluthafafundar Exista 30. október 2008, þar sem samþykkt var með öllum greiddum atkvæðum að óska tafarlausrar afskráningar hlutabréfa félagsins úr Kauphöllinni, óskaði stjórn Exista eftir því við Nasdaq OMX Nordic Exchange á Íslandi að hlutabréf félagsins verði tekin úr viðskiptum úr Kauphöllinni. Kauphöllin sendi frá sér tilkynningu 18. nóvember þar sem fram kemur að hún hefur samþykkt framkomna beiðni Exista um töku hlutabréfa félagsins úr viðskiptum. Hlutabréfin verða tekin úr viðskiptum eftir lokun viðskipta föstudaginn 12. desember 2008, með þeim fyrirvara að opið hafi verið fyrir viðskipti með bréfin í a.m.k. 10 viðskiptadaga áður en þau eru tekin úr viðskiptum samkvæmt ákvörðun Kauphallar.

Staða og horfur

Staða og horfur Exista eru óljósar um þessar mundir. Tjón Exista af hruni íslenska fjármálakerfisins er einkum af tvennum toga. Annars vegar höfðu inngríp Fjármálaeftirlitsins í rekstur Kaupþings veruleg áhrif á félagið, enda var Exista langstærsti hluthafi bankans með tæplega fjórðungshlut. Hins vegar er enn óvissa um hvernig staðið verður við samninga sem félagið er með við íslensku bankana, þar á meðal innstæður og kröfur á hendur þeim. Þá á Exista í samningaviðræðum við lánveitendur um stöðu lánasamninga í ljósi gerbreyttra aðstæðna. Loks má geta þess að félagið er að kanna réttarstöðu sína vegna aðgerða breskra stjórnvalda gagnvart dótturfélagi Kaupþings í Bretlandi og grundvöll félagsins til málssóknar sem hluthafa í bankanum. Eins og fram hefur komið hefur félagið óskað eftir afskráningu úr Kauphöllinni vegna þessarar óvissu og til þess að auðvelda stjórnendum félagsins að vinna að framtíðaráætlun fyrir félagið.

Samþykki stjórnar og áritun endurskoðenda

Stjórn Exista samþykkti árshlutareikning félagsins fyrir fyrstu níu mánuði 2008 á stjórnarfundi í dag, 27. nóvember. Árshlutareikningurinn er kannaður af endurskoðendum félagsins, Deloitte hf.

Nánari upplýsingar

Frekari upplýsingar um uppgjörið veitir samskiptasvið Exista, Sigurður Nordal framkvæmdastjóri, í síma 550 8620, og netfang ir@exista.com.